

四明叢書
張宗祥



序

壽鏞幼聞諸父老歲咸豐壬子章公鑒旣大魁天下而張公鼎輔張公庭學並入詞選衣冠之盛集於一鄉二張則鐵峯先生之子也先生好善尤習水利某歲鎮海縣民將由劒河漕鑿山麓以通鄞東水道先生謂此河一開則東錢湖立涸鄞東沃土皆瘠壤矣訴諸官其事始寢然則先生不獨能教其子其有惠於鄉者多矣其後張公阜成登光緒丙戌進士先公更告壽鏞曰此又鐵峯先生之孫也先生禮鄉賢如重修陳恭潔祠旌忠

廟及王厚齋全謝山祠歲時集同人將祀事無闕於是益知先生之爲人顧欲求先生著述往往不可得漢書讀十二卷漢書辨字二卷漢書常談二卷先生讀漢書時類記之書也壽鏞一日忽得於海上書肆審爲長春花館定藁家藏未刻本爲之狂喜原藁上有簽注若干條極精細蓋當時與先生商榷者而先生猶未及改也因別倩友人作校勘記一卷並刻之漢書非出一人之手昔人已言之而先後牴牾非精心結撰無由審其矛盾凌遇知評林采取備矣然識者往往病其舛誤遺漏

先生獨能考證而論斷之洵班氏功臣也若辨字若常
談一則知古字之相通一則明俗諺所自始讀書致用
豈徒鬪靡誇多哉斯三書不入鄞藝文志考光緒修志
時先生尙在故其列傳爲續增他著作如書詩周禮管
見四明水利考四明談助正譌南蘭筆記則皆未見長
春花館詩集南蘭書屋文集彙刊行傳世云抑因之有
感矣壽鏞嘗讀桓譚鹽鐵論文學大夫互相辨難而大
夫卒勝文學作史者遂以黷武譏漢武後儒雖有駁之
者略而未詳獨明之世有黃訓者

余藏有讀書一得自
署黃潭黃訓著萬鹿

園皇明經濟序前武選郎中黃君訓所輯名臣經濟錄云云是訓又著經濟錄則曰黷之爲言數也如武帝之武可無數耶天生神武豈爲漢世計耶不然吾越人其左衽矣列舉武帝征服之地如東甌如犍爲如蒼海如朔方如酒泉武威張掖燉煌以及南海蒼梧鬱林合浦交趾九真日南珠厓儋耳牂牁越巂沈黎汶山遠至朝鮮浩浩東南漠漠西北非一戰力也且以漢之販圖證之於其後之各行省鑿鑿有據儻先生見其論說當不以好兵譏武帝矣夫武帝之好兵不得已也以用兵而理財亦不得已也雖然豈特武帝也哉

既刻漢書讀三書更道先生所處之時固有異於今日
者因縱論之可以讀書知世矣民國二十七年三月後
學張壽鏞

鄞縣志本傳

張恕字貫一號鐵峯烜之子道光六年優貢考取八旗
官學教習八年中式本省舉人同治辛未重遊泮宮始
烜仕安徽桐城生恕於任所及官雲南恕年長而學日
進往來文牘多出恕手有傭嫗餽金關說訟事母王淑
人試以問恕恕對不可其贊成善政多類此王淑人病
痢幾危恕刺血書疏祈減己壽以益親年病尋愈至性
肫篤以父母年老不願遠離以教習畱京供職一年假
歸不復出里中善舉如永濟堂之恤嫠體仁局之掩埋

濟生公所之拯溺靡役不與尤究心水利縣濱江南河
流恃壩堰以蓄洩初烜修復西南鄉風崩碶及狗頭塘
歲久坍塌怨皆增修之工益完固又修行春保豐石塘
諸碶石塘地界鄞慈慈在下流欲專其利毀碶訟不決
怨錄明沈文恭公碑記疏別大碶小碶白諸郡縣事始
得直鎮海縣民將由劔河漕疏鑿山麓以通鄞東水道
怨謂此河一開則東錢湖立涸鄞東沃土皆瘠壤矣請
官禁止其事竝詳志中水利他如重修陳恭潔公祠旌
忠廟及王厚齋尙書全謝山太史祠歲集同人修其祀

事工書而勤於學臨摹蘭亭爭坐位帖各數百本晚年
神明變化姿態秀逸見者不知其爲老人書也著有書
經管見詩經管見周禮管見漢書讀四明水利考四明
談助正譌長春花館詩集南蘭書屋文集南蘭筆記卒
年八十九

陸廷黻撰傳

子鼎輔庭學傳見前

張鐵峯先生遺書三種總目

漢書讀十二卷

卷首

漢書注釋諸家名氏
漢書舊刻
漢書評林引用

書目

卷一

本紀

卷二

王子侯表
功臣表
外戚表
百官表
古今人

物表 律曆志 禮樂志 刑法志 食貨志 郊

祀志 天文志 五行志

卷三

地理志 上

卷四

地理志 中

卷五

地理志 下
溝洫志

卷六

藝文志

卷七

列傳

卷八

列傳

卷九

列傳

卷十

列傳

卷十一

列傳

卷十二

儒林傳 循吏傳 酷吏傳 貨殖傳 游俠傳

佞幸傳 匈奴傳 西南夷傳 南粵王傳 閩

王傳 朝鮮傳 西域傳 外戚傳 元后傳 王

莽傳 敘傳

漢書辨字二卷

卷一

古字

卷二

借讀字

疑字

附

方音

附

合韻

附

漢書常談二卷

漢書讀卷首

漢書注釋諸家名氏

節錄顏師古敘例

荀悅字仲豫潁川人後漢祕書監

案悅撰漢紀三十卷其事皆用漢書

服虔

案虔初名重改名臧定名虔

字子慎滎陽人後漢尙書侍郎高

平令九江太守

應劭字仲瑗

一字仲瑗一字仲遠

汝南南頓人後漢肅令御史營

令泰山太守

伏儼字景宏琅邪人

劉德北海人

鄭氏晉灼音義序云不知其名而臣瓚集解輒云鄭德

實無所據

案宋景文筆記稱景祐本云鄭氏舊傳晉灼集注云北海人不知其名

李斐不詳所出郡縣

李奇南陽人

鄧展南陽人魏建安中爲奮威將軍封高樂鄉侯

文潁字叔良南陽人後漢末荊州從事魏建安中爲甘

陵府丞

張揖字稚讓清河人

一云河間人

魏太和中爲博士

止解司馬相如

傳一卷

蘇林字孝友陳留外黃人魏給事中領祕書監散騎常

侍永安衛尉太中大夫黃初中遷博士封安成亭侯

案宋景文筆記稱景祐本云孝友字下
有一字彥友四字安成亭侯無亭字

張晏字子博中山人

如淳馮翊人魏陳郡丞

孟康字公安平廣宗人魏散騎侍郎弘農太守休領典

農校尉勃海太守給事中散騎常侍中書令後轉爲

監封廣陵亭侯

項昭不知何郡縣人